

四庫全書

集部

欽定四庫全書

古今詩刪卷三十一

明 李攀龍 編

明五言排律

海珠寺 王儼

絕島波心見樓身玉鏡中欲觀鼇背日還伏鷗樓風客  
思員壺外雲程若木東蜃光晴乍霧海氣晝成虹僧刹  
皎龍護神珠水月通同遊多逸侶歸棹擬乘空

重謁孝陵 李東陽

龍虎諸山會車書萬國同星纏環斗極王氣繞江東地  
湧神宮出橋分御水通丹爐晨隱霧石馬夜嘶風日月  
無私照乾坤仰聖功十年瞻望處雲樹鬱葱葱

鄱陽湖 李夢陽

太祖平陳日樓船下此都波濤留壯色天地見雄圖水  
上開黃屋雲中下赤烏士猶詢後載戈已倒前徒力屈  
鯨鯢仆聲回鴈鶩呼橫江收玉筍跨海定金符文軌遙

通楚梯航訖至吳英謀協睿筭勇奮想長驅殺氣  
鼉鼉徒腥風島嶼孤康山魏廟在忠武激頑夫

寄邊太常

何景明

不薄淮陽守翻辭大省察聯翩追近地奉引憶先朝日  
月旂常動星辰劍珮搖漢儀瞻鹵簿虞樂典簫韶雅識  
懷金奏同遊倚玉鑣聳身殊道路回首隔雲霄鸞翮終  
難鍛鶯遷本在喬乾坤五馬貴江海一麾遙

渡涇渭

何景明

湮沈九州會雄壯八川名隔歲望迴合分濤揚濁清堰  
渠饒上壤形勢迥西京漕輓通秦甸津梁跨漢城波流  
互明滅洲渚各縱橫落日雨蕩滴遙天雙帶縈片帆儻  
可借萬里自茲行

送林大司空赴召

鄭善夫

白雪調應少珊瑚得者稀長空古意澹落日壯心飛千  
載一魚水羣公覽鳳輝衆心還識斗北極此垂衣爰相  
中興冠維師後載非先朝高八座劍履又神畿

出塞二首 孫一元

夜出漢家城朝來塞上行黃金短匕首白馬縵胡纓瀚  
海驚傳檄燕山暗駐兵妖狐衝隊立燐火隔原明柳拂  
轅門曙旗翻朔雨晴笑談開俎豆陳列走鮫鯨帳底鏡  
歌起軍中殺氣橫寧知謝州簿猶是一書生

其二

四塞黃雲接西征更北征饑鷹掠地去駿馬跑空鳴出  
磧河聲咽抱關山勢橫風生聞威築月黑見攬槍草際鬪

金步四  
卷三十一  
體語雲間獵火明旋砍白登路暗擣黑山營鼓角三邊  
肅熊罷萬里行提携玉龍起擬死報神京

送管先生頌封秦府

高叔嗣

五等周分國三王漢世家日聞敷帝族時見遣皇華翦  
土仍鷄首疏邦自犬牙函關通使節灞水度征車過邑  
恩難屢登堂禮更嘉何如北山客行役動長嗟

苦暑

許宗魯

酷暑逃無地高天不可呼五行皆化火六合盡為鑪令

本司朱雀年應建赤烏焚林書有紀沸井事非誣禾黍  
焦如燬龍蛇縮欲枯胡然蟄雷電無乃涸江湖熾焰憂  
銷肺炎威恐裂膚合水嘗憶漢置窖轉懷蘇虛誦清涼  
品難迴白帝符何當起淨域摩頂灌醍醐

賦玉壺水

楊慎

雲送千峯雨風凝萬壑水金莖先沆瀣錦席失炎蒸靈  
響瓊璜解仙膏水碧澄清冷浮綠蟻瀟灑絕青蠅涼草  
虛疑挂寒菰定未勝何當却塵鞅赤脚踏高層



山雪 李汝蘭

山雪照晴嵐，山人睡正酣。  
饑烏啼古戍，落鴈起寒潭。  
野服初添絮，朝冠久卸簪。  
交情貧後見，世故靜中諳。  
避俗作巢父，全生學老聃。  
草堂有樽酒，獨酌對終南。

送董克平宰六合

謝榛

東南動星宿，淮海得郎官。  
王氣秣陵近，潮聲瓜步寒。  
歌謠知俗變，案牘坐更殘。  
古劍還誰識，瑤琴且自彈。  
早鶯啼縣郭，春草徧江干。  
驥足知君健，風雲百里看。

寄王侍御

謝榛

君王重簡命爾志在澄清節鉞分西顧風雲護北征羽  
旗荒外合驄馬雪中行直渡桑乾水還臨驃騎營九關  
多猛士百戰有長城夜半仍傳檄天寒未解兵奇才逢  
聖代雄畧見儒生獨仗防邊策能收抗疏名

送朱駕部伯隣使塞上

謝榛

早發佩龍泉行看紫氣纏寒雲抱亭障枯柳散烏鳶嶺  
暗飛狐雪關開白馬天風塵諸將老任俠五陵傳北使

明星動南心片月懸誰從寶車騎萬里勒燕然

送王安慶

謝榛

結綠殊增價飛黃早出羣賢聲定曉國經術自河汾竹  
馬來童子蒲鞭得使君訟庭閒晚照官樹澹春雲文物  
古今勝江山吳楚分歌謠起中夜應向月中聞

少司馬蘇公之鎮

謝榛

旌旆發長安邊庭報築壇寒鉦殷地響霜劍照人寒青  
海連兵苦黃金結士驪論功多汗馬應募有材官漢檄

雲中度班銘石上看雄圖驃騎在一戰取樓蘭

白雪樓同徐以言諸比部夜賦

謝榛

西署鳳城馭聊為秉燭遊和歌半吳越南北有曹劉白  
髮唯孤劍清風共一樓苑鐘疎靜夜宮月澹初秋露上  
金莖重河連玉闕浮靈文猶漢代仙樂自燕州歲序紛  
吾感山川壯此留又驚天外鴈縹緲下滄州

送劉子旭使雲中

謝榛

君才班馬流十度帝京遊聖代開奇蹟春風悅散裘長

懷漢室策獨抱杞人憂地曠茄逾慘沙寒鴈不留壯心  
看劍鏑屈指計刀頭千古儒生輩誰期定遠侯

庚戌八月二十二日恭聞奉天殿視朝

謝榛

上苑涼颿起西山瑞靄濃玉珂天漢路金闕午時鐘劍  
珮鑪香近旌旗日影重宮牆落楊柳水檻出芙蓉萬舞  
趨丹鳳千官識袞龍遙傳北伐詔光耀紫泥封

姜節之太史宅對雪

謝榛

向夕變山川寒深歲暮天玉堂輝自動瑤闕燦相連酒

訝新豐貴水增太液堅媚春殊可賦照夜迥堪憐留滯  
龍門客逍遙鶴鬢仙共看漢太史還為紀華年

童侍御謫嶺南

謝榛

帆度三江盡雲飛五嶺遲炎方殊物色秋水澹心期地  
遠身仍健官清俗可移瘴烟聊復酒海月尚堪詩正氣  
驚山鬼威名伏島夷羅浮春萬里遷客寄書時

劉稽勲宅賦雪

謝榛

春歸紫禁城脈脈雪花明照夜千山色因風萬戶聲卧

袁真是懶訪戴亦多情古劍靈常動冰壺虛更清中朝  
深落事東郭但浮名郢曲今誰和燕歌老自平

寄別陸明府道函

謝榛

朔風吹萬里何事復燕都門發星前騎城翻雪後烏征  
塵上短褐落日照長途趙北黃雲斷漳南白草枯生涯  
人自老愁思鴈相呼梁苑多詞客高陽一酒徒昔遊同  
授簡夜醉更携蒲為寄潘懷縣聲名是壯圖

寄別丁內黃

謝榛

向月琴無侶，衝星劍有神。  
栖遲元靜者，漂泊故愁人。  
薄俗交難定，同鄉情易親。  
客途經雪冷，官柳隔年新。  
天遠飛鳧舄，時清老角巾。  
何當共樽酒，重醉帝京春。

贈史中丞

謝榛

千載東南計，三秋戰守功。  
陣雲回氣色，匣劍閉雌雄。  
往事長歌外，流年高卧中。  
風霜唯勁竹，江海一冥鴻。  
薄俗懷巢父，幽期得阮公。  
醉來論世故，謬許老夫同。

天寧寺塔

謝榛



舍利藏千古靈光夜夜開  
簷高色界盡天近法雲來  
鶴自虛空轉龍將風雨迴  
地形標壘障河勢見三臺  
徒向人間老深慙鄴下才  
因從遠公社登眺思悠哉

寄懷于鱗使君

謝榛

保障今三輔誰言是薄遊  
掄才傾漢署為郡動燕州  
不寐冰霜夜高懷風雨秋  
人間多宦迹海內此名流  
白璧時方抱青山道可求  
曾憐鸚鵡賦更憶鸕鶿裘  
大雅終誰定狂歌豈自謀  
翩翩五駟馬泛泛一沙鷗  
襄國烟中

樹漳河月下舟遙知共參佐吟眺正登樓

德藩白雲亭觀珍珠泉作

李先芳

帶礪開宗國湖山列祖筵泛槎滄海上張樂白雲顛臺  
榭吞寒浦笙歌拂夕烟地靈歆玉屑天派瀉珠泉鮫室  
光逾媚鬣宮夜不眠月中疑蚌出水底見星懸詞客頻  
中聖君王正渴賢本支流不盡千古鏡常圓

送顧天臣偕謝茂秦南還

王世貞

序家戶歸道真即亦見尋立談雙白壁笑印千黃金解

道國恩重誰同交誼深崎嶇依一老流落見餘心  
蟻筑無燕市羈栖有越吟  
揖余還拂袖碣石暮雲沈

秋夜同李申登白雲樓

王世貞

吏歸西省鑰人倚白雲樓  
惜書頻呼燭驚寒憶投裘  
霜餘薊嶺出暝表漢宮浮  
刁斗金吾夜闕城玉杵秋  
放歌天籟合吹笛露華收  
客是陳登侶予仍王粲游  
盛時雙涕淚非土並淹留  
歲月孤踪偶乾坤萬象稠  
大夫應有賦珍重向誰投

于鱗郡齋

王世貞

不淺停車興寧因戀濁醪客顏迴把袂吾手任持螯十  
日布衣飲千秋冠蓋勞北風寒趙瑟明月隱吳刀湖海  
身難下乾坤首並搔宦情餘汝在物譽借詩逃一別安  
孤枕相知仗二毛白雲空在望誰並太行高

送大梁李公轉東藩左轄八韻

徐中行

賦別復梁園高秋鼓吹喧張旌臨北海馮軾下中原賜  
履東秦吐登封秦鼓尊河上開日觀星斗挂天門闕里

風堪問明堂跡尚存齊名慚李固對榻戀陳蕃湖月邀  
仙舫峯雲落酒樽誰憐虛左地長憶信陵恩

同張肖甫送迺兄張山人還蜀

徐中行

兄弟金臺別依依玉樹柯鳴琴悽蜀調把酒醉燕歌曉  
騎停楊柳春衣換薜蘿回車赤岸近卧閣白雲多月度  
峨眉夜花飛錦水波著書藏小酉種藥滿中阿物色三  
巴盡蓬蒿二仲過他時登海嶠莫惜示羊何

冬日述懷示元美

吳國倫

偃蹇誰青眼飛揚獨素毫  
途窮羣態見物役此身勞  
趨走偏鷄舌聲華忝鳳毛  
異時難遽料清世敢言逃  
楚壁甘人棄齊竽恥自操  
詎能栖枳棘只合卧蓬蒿  
多事容歌枕孤懷且濁醪  
閉門惟藥裹扶杖即蘭皋  
郎署還持戟名家有佩刀  
寸心歸鮑子尺牘謝山濤  
生死交期在風霜病骨高  
斯文未應喪天豈厭吾曹

與子相飲遲元美

吳國倫

春事忽云莫浮生宜醉中  
鳴珂燕市滿看劍薊門雄  
策

足慚吾蹇揮毫見爾工  
髯知何日白花自上林  
紅樹擁飛觴  
月天回岸幘風登樓  
有竒思未與仲宣同

送陳睢陽擢兵使入蜀

吳國倫

上國名爭識中州遇亦竒  
三河傾抵掌二室欸揚眉  
問政先經術論文藉酒卮  
吏才分竹重友道握蘭知  
滇海騰方力鈞天夢不疑  
十年耽卧閣萬里召登陴  
旋珥游梁筆親函諭蜀詞  
居人歌五袴候騎擁雙麾  
九坂青驄躍孤軍白羽持  
棧懸天咫尺江湧雪離披  
別思聞猿劇

裁書到鴈遲且携關塞手斟酌歲寒期

留別峻伯

宗臣

握手殊難盡論心日轉紆更誰憐鳳鳥為爾繫驪駒  
明月參相照浮雲互自踰客途從浩蕩帝里只須更羣貴  
安危在孤身去住俱豈知江海上不有報恩珠


夜過明卿遲元美不至

宗臣

楚客傲如昔燕臺高至今雙珠明月動孤劍曉星侵天  
地看人盡冠裳避世深窮途惟白雪失計自黃金詞賦



偏生色風塵易折心何如王逸少此夕負山陰



古今詩刪卷三十一

原書封面書名編誤

# 欽定四庫全書

集部

古今詩冊卷三十二至四

詳校官中書<sub>臣</sub>李 采

侍讀<sub>臣</sub>孫球覆勘

總校官庶吉士<sub>臣</sub>倉聖脉

校對官待詔<sub>臣</sub>胡士震

謄錄監生<sub>臣</sub>莫與儔

欽定四庫全書

古今詩刪卷三十二

明 李攀龍 編

明七言排律

金隄同張明府肖甫賦

謝榛

金隄重到感西風  
瓠子猶思漢武功  
雉堞遙連千樹暝  
龍珠不見出潭空  
艾荷老盡飛霜後  
簫管寒催落照中  
白髮滄洲幽事在  
黃花綠酒故人同  
謝安此日遊山劇

潘岳當年作賦工，無數峯巒秋色裏。高歌相對欲爭雄。

于鱗郡齋

王世貞

春草胡騶出帝京，何如握手又孤城。主恩司馬郎仍在，  
客禮元龍座盡驚。稍為清尊驅黯澹，漸携孤抱鬪崢嶸。  
朱絃曉並漳河瑟，白羽秋閒漢塞兵。聞道太行兼郡事，  
始知嚴助厭承明。新詩直已藏機甚，怪爾猶存海內名。

黃河道中別吳生

徐中行

賦別河梁思不禁，愀然斜日變春陰。艱危未盡秦庭哭，

放逐仍同楚澤吟風雨北來三輔暗雲霞南入九江深  
窮途豈礙垂天翼散地偏增玩世心知己千秋高白雪  
論交四海失黃金相期後會從藜杖祇恐名山也陸沈

賦得貞石贈雲間吳比部十二韻

徐中行

何來片石挺孤標閱盡滄桑不動搖五嶽寰中爭截業  
九峯江上讓岩堯補天已就千秋色障海曾回萬里潮  
碁置星辰分碧落鏡懸日月遞青霄甘嬰楚削明投璧  
恥受秦鞭幻作橋古冶自堪成鐵劍它山猶可治瓊瑤

芙蓉獨秀誰爭麗  
松柏相依也後凋  
澗齒清風高百代  
觸膚霖雨徧崇朝  
論交萬變心難轉  
比介三公勢不撓  
承柱明堂綿玉歷  
支機青漢挂冰綃  
竒聲賦擲天台動  
王氣書探禹穴遙  
審樂正逢吳季札  
并將擊拊和虞韶

鄂渚送別尊師天目先生之雲南參議

汪時元

分藩益部氣雄哉  
萬里風雲建節開  
鄂渚向傳青翰舫  
滇池誰似碧雞才  
星隨方嶽臨南紀  
天轉微垣敞外臺  
散帙月華金馬出  
揮毫霞彩點蒼來  
秋深桂樹搖詩案

春滿山茶映酒杯，却似相如重論蜀。  
飄飄六傳日南迴，明五言絕句。

懊儂歌 劉基

白鷗養雛時，夜夜啼達曙。如何羽翼成，各自東西去。

玉階怨 劉基

長門燈下淚，滴作玉階苔。年年傍春雨，一上苑牆來。

長門怨 劉基

白露下玉除，風清月如練。坐看池上螢，飛入昭陽殿。

閨詞 劉基

別却燈花盞從教污翠鈿幾回虛報喜誤却不成眠

薤露歌 劉基

人生無百歲百歲復如何古來英雄士俱已歸山阿

瑯琊王歌 劉基

駿馬須好鞍疆弓須勁箭將軍不知兵健兒空自健

吳鉤行 高啓

吳鉤若霜雪吳人重游俠樽前含笑看上有仇家血



碧玉歌 高啓

碧玉小家女初無珠翠妝感郎相顧重朽質自生光

呵那瓊 高啓

牛羊草漫野大帳天山下十萬控弦兒聞笳齊上馬

刀 高啓

大食購千金妖精泣太陰燈前開匣看無限許君心

花開 楊基

花開醉不休花謝莫深愁縱使花常在東風也白頭

京師得家書

劉崧

江水三千里家書十五行行行無別語只道早還鄉

無題

袁凱

門外青青草今年更覺深前時玉釵墮侍婢不能尋

結客行

劉績

結客千金盡耐恩一劍存羞為狗盜伍不傍孟嘗門

婕妤怨

王諶

玉簫夜涼新秋娥暗裏顰如何天上月獨照掌中人

商隱 許廷慎

無心成避世有跡類遊仙  
自入烟霞窟悠悠不計年

紅白二梅花落 薛瑄

簷外雙梅樹庭前昨夜風  
不知何處笛併起一聲中

武口守風 薛瑄

江濤拍岸鳴高枕念王程  
湖與歸心闊秋因客思清

山居 劉球

水抱孤村遠山通一徑斜  
不知深樹裏還住幾人家

雲林書屋

高壁

漠漠山中雲藹藹  
雲中樹不聞絃誦聲  
那知有人住

洛陽陌

姚綬

馬上相逢處  
春風在洛陽  
陌頭楊柳色  
一一斷人腸

莫愁樂

張寧

金雀玉搔頭  
生來喚莫愁  
自從歡去後  
不出石城遊

古江南曲

錢百川

小姑未成人  
不慣見郎君  
蕩舟入新荷  
牽壞紫羅裙

海棠 張琦

微紅初上頰便覺春多夢  
牕外有人無鳥踏花枝動

結客少年場行 李夢陽

燈如列宿行月似九秋霜  
各携萬金劍結客少年場

豔曲 李夢陽

父母愛小女女是聰明子  
生不識鴛鴦繡出鴛鴦是

開先寺 李夢陽

瀑布半天上飛響落人間  
莫言此潭小搖動匡廬山

江行雜詩 李夢陽

日出青蘋濕江渾路不分  
昨宵驅雨至知是海南雲

長安 何景明

白雲望不盡高樓空倚欄  
中霄鴻鴈過來處是長安

晚出左掖簡薛君采 何景明

露重芙蓉館雲輕翡翠城  
文園病司馬消渴望金莖

擬古 徐禎卿

上馬入皇城嫖姚典禁兵  
猶言恩寵薄下馬坐團營

隴頭水 徐禎卿

磨刀隴水頭，刀澁指爪柔。  
將刀割斷水，那用東西流。

江南樂 徐禎卿

人言江南樂，江南信自樂。  
採桑作蠶絲，羅綺任儂着。

雜詩二首 邊貢

月色沙上澹，山雲天際浮。  
春江萬里闊，獨見一漁舟。

其二

江靜無飛鳥，亭空有落花。  
主人何所在，沽酒向漁家。

送劉約中之金陵 邊貢

君到石城邊應看石城樹樹杪百尺臺是儂行樂處

西園二首 邊貢

朝看長白山暮看長白山山色有朝暮吾心常自閒

其二

庭際何所有有萱復有芋自聞秋雨聲不種芭蕉樹

上陵道中 邊貢

蒼蒼土門口日出逢樵叟問爾何事來山中苦無酒



常山卧雪亭

方豪

卧雪常山館孤吟氣轉雄  
若逢洛陽令閉户不相通

相見孫一元

相見不作語天風吹長鬚  
採取虎擊囊留贈崑崙圖

絕句 王廷相

侯嬴大梁豪白首仍抱關  
平生酬知劍曾未借人看

初見白髮 王廷相

日月風塵色勞勞簿領身  
不知清鏡裏已作二毛人

漢上歌

王廷相

宜城出美醞載入習家池山公去已久醉殺襄陽兒

宮怨

王廷相

夜輦昭陽月春筵上苑花不成供奉日枉自學琵琶

江南曲

王廷相

江上楊柳花裊裊不肯住隨燕入簾櫳因風復飛去

芳樹

王廷相

芳樹不自惜與藤相縈繫歲久藤枝繁見藤不見樹

閩中歌

王廷相

天闊浮烟迥沙平落照低  
春江同在眼只覺異巴西

春草謠

王廷相

塘上草菲菲照妾春  
羅衣待君君不來  
滿庭螢火飛

秦川雜興二首

王廷相

古陵在蒿下啼鳥在蒿上  
陵中人不聞行客自惆悵

其二

客行不束書大半是俠氣  
寶劍值千金上有飛龍字

遊南山 唐順之

洞口石縱橫，流泉不住聲。  
柴門何處入，雞犬自相迎。

竹徑 唐順之

面面隔深竹，茅齋在何處。  
遙聞犬吠聲，試從此路去。

遷居簡友人 蔡汝楠

岡南開館舍，湖上閱風花。  
不用山陰棹，東隣是戴家。

下第還鄉 許邦才

鶯花愁旅客，風雨逼清明。  
向晚擔空笈，蕭然出鳳城。

下第 許邦才

雖負傾城姿無媒豈自悲  
詎知館娃內勝似浣沙時

初至永寧 許邦才

風塵難自料花鳥故相猜  
問是山東客何由萬里來

客中元日 許邦才

客中逢改歲不解是何鄉  
時見懸門帖春風動夜郎

漢江驛 許邦才

山雪照庭除冰霜滯簡書  
不因作逸客得食漢江魚

少年行 許邦才

楊柳散青絲，驂白玉羈。  
有錢不作人，是底遊俠兒。

明君曲 李光芳

彈來塞上曲，本是漢宮詞。  
胡女無華色，娥眉處處疑。

于鱗郡齋 王世貞

腰間轆轤劍，錯莫無精光。  
不是芙蓉淺，純鈎北斗傍。

活水池 徐中行

池分襄漢水，岸夾武陵花。  
但得高陽侶，寧須問習家。

詠顧汝和舍人種桃 徐中行

不言溫室樹却種武陵花豈是金門客偷桃出漢家

題顧汝和石鼎寮 徐中行

雲英烹石鼎月色照水壺何必金莖露能令肺病蘇

叩竹杖 徐中行

仙人方竹杖遠道出臨叩挂壁風雲動還應欲化龍

贈李于鱗 宗臣

聞君有瑤琴言自崑崙得雖未聽其聲時時白雲色

聞鴈憶弟子培宗臣

秋雨千峯散寒雲萬里開不知天際鴈幾日故園來

郊行宗臣

並馬出春城搖鞭一相語楊柳遍西湖應從何處去

九日舟中汪時元

秋風葉正飛江上逢重九人世幾登高寂寞黃花酒

古今詩刪卷三十二



欽定四庫全書

古今詩刪卷三十三

明 李攀龍 編

明七言絕句

仙人詞 劉基

玉府仙人冰雪姿  
生來即遣侍瑤池  
五雲隔斷塵凡路  
說着人間總不知

漢宮曲 劉基

小雨如烟畫掩扉捲簾忽見燕雙飛不知春色能多少  
總向昭陽柳上歸

雙帶子 劉基

嫁時雙帶綉麒麟翠葉金花色色新寧教玉匣蒙蛛網  
不肯將來別贈人

竹枝歌 劉基

陽臺雲雨謾荒唐巫峽啼猿枉斷腸莫向蒼梧山下去  
九疑愁色滿瀟湘

春江曲 劉基

江上風帆日日歸，獨自狂夫音信稀。  
無因化作鷓鴣鳥，隨著郎船到處飛。

宮詞 高啓

南風吹斷採蓮歌，夜雨新添太液波。  
水殿雲廊三十六，不知何處月明多。

少年行 高啓

下直平明出禁門，提携博局伴王孫。  
寶刀不敢將輸却。

明日沙場欲報恩

洞房曲

高啓

洞房香吐合昏花  
月轉勾欄啼乳鴉  
今宵有酒留君醉  
不信倡家勝妾家

吳宮詞

高啓

芙蓉水殿雋廊東  
白苧秋來不耐風  
怪得君王長夜醉  
月明歌舞在舟中

楚宮詞

高啓

雨去雲來十二峯  
渚宮樓閣暮重重  
細腰無限空相妬  
不覺瑤姬夢裏逢

魏宮詞

高啓

翡翠明珠入掌新  
承恩長占鄴宮春  
至尊休信陳王賦  
那得人間有洛神

吳王井

高啓

曾開鑑影照宮娃  
玉手牽絲帶露華  
今日空山僧自汲  
一餅寒供佛前花

宮女圖 高啓

女奴扶醉踏蒼苔  
明月西園侍宴迴  
小犬隔花空吠影  
夜深宮禁有誰來

山中別寧公歸西塢 高啓

一上香臺看落暉  
沙村孤樹晚依依  
老僧不出青山寺  
只有鐘聲送客歸

方匡師畫 高啓

畫圖忽見白雲峯  
茶屋香臺樹幾重  
身若在師行道處

晚來誰訝不聞鐘

戴叔鸞入江夏山圖 高啓

歸隱初辭薦辟章西風黃葉滿車箱青牛只識山中路  
不是無心向洛陽

十二紅圖 楊基

何處飛來十二紅萬年枝上立東風楚王宮殿俱零落  
說盡春愁細雨中

紅椒仕女圖 楊基

兩樹紅椒隔禁扉  
晚涼携伴試羅衣  
金鈴小犬迎人吠  
應怪秋來出院稀

燕山春暮

張羽

金水橋邊蜀鳥啼  
玉泉山下柳花飛  
江南江北三千里  
愁絕春歸客未歸

望闕口號

劉子肩

閭闔排雲玉殿開  
千官鵷鷺早朝回  
不知誰獻王褒頌  
得奉君王萬壽杯



江行 董良史

江水悠悠江路長  
孤鴻啼月有微霜  
十年縱跡渾無定  
莫更逢人問故鄉

寄王彥舉 孫賁

綠楊陰下玉驄嘶  
絲絡銀瓶帶酒携  
夢入南園聽夜雨  
不知身在蔣陵西

題朱舍人為史太守寫梧竹 林鴻

舍人退食寫閒情  
公子開槭玉雪清  
曾向鳳池同夜直

掖垣梧竹總秋聲

淮西夜坐 袁凱

蕭蕭風雨滿關河  
酒罷西樓聽鴈過  
莫怪行人頭白盡  
異鄉秋色不勝多

客中夜坐 袁凱

夜雨蕭蕭江水長  
故園歸路更茫茫  
一聲新鴈三更雨  
何處行人不斷腸

畫馬 劉績

雙駒汗血已斑斑  
蹀躞春風意態閒  
聞道千金求駿骨  
不應龍種在人間

贈同舟從軍林生

任立

青天無盡碧波長  
百尺雲帆挂夕陽  
海路音書何處寄  
北風征鴈不成行

城南書事

趙邾

三年為客寄龍沙  
望斷南雲不見家  
唯有受降城外月  
照人清淚落胡笳

步虛詞

王恭

綠章封事奏瑤京  
侍女如花弄玉笙  
夜半朝回人上鶴  
九天環珮月中明

詔直內閣即事

胡儼

清曉朝回祕閣重  
坐看宮樹露華濃  
碧牕朱戶圖書滿  
人在蓬萊第一峯

重登岳陽樓望君山

王英

南湖烟水接天流  
天際孤峯掌上浮  
欲吊湘君何處是

不堪重倚岳陽樓

到揚州 鍾政

樹繞人家水抱城何郎去後減詩情不知東閣梅何處  
二十四橋空月明

甘州 郭元登

甘州城西河水流甘州城北胡雲愁玉關人老貂裘敝  
苦憶平生馬少游

薊門秋夕 熊直

清漏遲遲月轉廊博山銷盡水沉香重城不鎖還家夢  
兩夜分明到故鄉

竹枝歌

薛瑄

錦官城東多水樓蜀姬酒濃消客愁醉來忘却家山道  
勸君莫作錦城遊

舊遊即事

沈愚

冶城東畔舊亭臺寂寂朱扉映竹開一樹碧桃都落盡  
去年蝴蝶却飛來

寄淮南沈愚

江南江北路迢迢  
風滿江帆鴈影飄  
最好鳳凰臺上月  
共誰携酒聽吹簫

古詞張楷

羅帕凝香濕未乾  
朱櫻窗外雨生寒  
燈花知是虛傳喜  
落盡青煤誓不看

題畫瓜

聶大年

翠實離離引蔓秋  
西風涼露滿林丘  
東門尚有閒田地

千載無人說故侯

題趙仲穆挾彈圖

李東陽

東風挾彈小城春  
遊騎飛韉不動塵  
道上相逢休借問  
衛家兄弟霍家親

畫竹

李東陽

漢臯亭上起秋風  
夜逐湘靈下楚宮  
曉入碧雲看不見  
墮釵遺珮各西東

吳宮

楊時秀



畫棟雲消夜色清  
宮前溝水作秋聲  
如何醒得吳王夢  
多少花枝壓禁城

閨怨

周在

江南二月試羅衣  
春盡燕山雪尚飛  
應是子規啼不到  
故鄉雖好不思歸

郊祀歌

李夢陽

壇官秉笏候金鐘  
月出西南照雪峯  
不向蓬萊看五色  
那知天子是真龍

贈黃州守

李夢陽

黃州江比使君清  
赤壁山留萬古名  
黃州小兒騎竹馬  
來時相送去時迎

過王子

李夢陽

率爾高陽飲博徒  
酣歌擊劍膽何麤  
金門貴客如相許  
徑脫霜裘付酒壚

贈李沔

李夢陽

雲夢茫茫繞一州  
滔滔江漢古今流  
問俗不須乘五馬

畫船鏡吹水鄉遊

雲中曲 李夢陽

白登山寒低朔雲野馬黃羊各一羣  
冒頓曾圍漢天子  
胡兒惟說李將軍

塞上 李夢陽

天設居庸百二關  
祁連更隔萬重山  
不知誰放呼延入  
昨日揚河大戰還

歸途咏古 李夢陽

河濟誰言不共流  
青春惡浪古懷州  
蕩搖少室三花樹  
倒映天壇白石樓

登嘯臺

李夢陽

白日紅雲拂地流  
醉鄉吾亦步兵遊  
登臺左盼黃河轉  
綠水洪波不盡愁

春日謾興

李夢陽

十日不出花盡開  
城南城北看花來  
即教閉戶從花盡  
莫遣看花不醉迴

送周判官李夢陽

青燈綠酒五花裘  
客舍新秋螢火流  
問君不飲真何事  
明日出城風葉愁

諸將入朝歌

何景明

羣公陪宴栢梁臺  
殿上傳呼萬壽杯  
元戎節鉞來江上  
使者樓船泛海迴

寄鄭繼之

何景明

台嶽中峯綵霧生  
石梁遙挂赤霞城  
仙潭尺素傳雲鯉

報爾今尋華頂行

送汝慶還關中

何景明

華岳雲臺萬里情  
高秋落日眺秦城  
黃河一線通滄海  
身在仙人掌上行

終南篇

何景明

離宮別館舊京華  
表裏關河屬漢家  
二閣天圍青錦帳  
五臺雲湧石蓮花

燕京夏歌

徐禎卿

暑殿金泉枕碧山  
清涼樓閣五臺間  
赤日不行葱嶺北  
雪花長繞玉門關

送蕭若愚

徐禎卿

送君南下巴渝深  
予亦迨湘水陰  
前路不知何地別  
千山萬壑暮猿吟

迎鑾曲六首

邊貢

金陵今古帝王都  
碧石清江一畫圖  
五聖百年虛想像  
鑾輿曾到此間無

其二

自采民風問老農  
微行不遣近官從  
那知天子闕天象  
到處雲成五色龍

其三

羽蓋霓旌曉出遊  
紺霞紅日抱江流  
雲中帝子三千闕  
海上仙人十二樓

其四

弓如滿月向江開  
箭插寒潮捲浪迴  
水上鼉鼉莫深避



我皇元為射蛟來

其五

潮落江門烟水秋  
雲帆月下過揚州  
兩京馳道三千里  
夾岸垂楊接御溝

其六

瑟瑟金風鳴玉鑿  
路車何日到長安  
官河不似江濤險  
只恐秋深白露寒

金陵逢方日升

邊貢

燕市分携十七春  
白門相見白頭新  
鳳凰樓下含春客  
江海飄零有幾人

劉希尹謫壽春

邊貢

淮南花雨送春還  
叢桂陰陰郡閣閒  
自是劉安有仙骨  
謫居猶近八公山

送潘伯振守漢中

邊貢

石棧凌雲鳥道斜  
漢中城府枕三巴  
楓林落葉猿聲滿  
那得行人不憶家

送蘇別駕邊貢

去歲秋風別省闈  
木犀花落雨霏霏  
那知此日江陵郡  
春草連天送客歸

題美人寄胡文邊貢

月宮秋冷桂團團  
歲歲花開只自攀  
共在人間說天上  
不知天上憶人間

海青圖邊貢

雲暗胡天雪滿衣  
駕鵝聲亂海青飛  
李陵臺下陰山北

正是單于夜打圍

教子發水亭

邊貢

曲徑回廊接圃深  
竹牕松戶曉陰陰  
幽花不阻三春夢

明月長懸萬里心

觀城歌

邊貢

睥睨連雲十二樓  
西南形勝數荆州  
已教峴首為屏繞  
更遣巴江作帶流

雜興

邊貢

御溝東畔柳成林  
御水盈盈十里陰  
白馬青衫橋上客  
春來多少故園心

大隄曲 邊貢

大隄女兒花見羞  
大隄楊柳映青樓  
金臺滿注楚城酒  
醉殺狂夫不解愁

綠珠怨 邊貢

主家高樓天與齊  
妾身不惜委黃泥  
他生願作銜泥燕  
長傍高樓梁上棲

送客 王雲鳳

春濕蒸雲雨欲絲  
飄飄遊子別離時  
愁看陌上青青草  
送盡行人總不知

皇帝行幸南京歌二首

薛蕙

翩翩翠蓋覆鳴鑾  
詔許都人夾道看  
樂府盡歌楊柳曲  
後車多著錦鷄冠

其二

燕姬玉袖抱箜篌  
馬上長隨翠輦遊  
春來照影秦淮水

愛殺江南雲母舟

權歌二首 鄭善夫

鴻鴈飛來風雪心  
鴻鴈飛去天山陰  
二月天山風雪淺  
六月天山風雪深

其二

青螺江頭遊子吟  
黃金臺上秋雲深  
風塵一別一萬里  
美人駕車傷我心

送劉伯儒侍御謫嶺南 鄭善夫

尉佗城外泛孤槎西望峨眉不見家  
莫道日南天萬里歸心一夜過三巴

答林炫見懷方豪

榕江江上片帆歸江草江花映竹扉  
明月長看漁父醉白鷗不道主人非

平南凱還歌

王廷相

詔下團營大點兵我皇親作冠軍  
行九河壓地樓船去八月橫天劍戟明



行邊 王廷相

榆林上郡跨雄圖  
况是君王拜郅都  
夜發金符催出塞  
朝開蜀帳獻擒俘

巴人竹枝歌 王廷相

江草江花滿眼新  
不知郎處幾多春  
愁來欲上東峯望  
上到東峯愁殺人

遊仙 王廷相

南極老人乘彩霞  
赤松仙子上清家  
海陽舊種扶桑樹

春到齊開五色花

宮詞 王廷相

雲髻蛾眉紫鳳笙三千隊裏獨分明  
君恩莫作尋常看  
一別昭陽便隔生

扈從謁陵歌 王廷相

十二龍旗向曉開行宮深度五雲來  
詞臣奏罷長陵賦  
不數甘泉侍從才

謾成 韓邦靖

沙苑烟光近白樓  
黃河清渭兩交流  
牛羊落日新丘壠  
楊柳春風古渡頭

登石鐘山望廬山

張治

廬嶽亭亭翠萬重  
懸泉千尺挂飛龍  
石鐘山下江如鏡  
映出青天五老峯

古今詩刪卷三十三

欽定四庫全書

古今詩刪卷三十四

明 李攀龍 編

明七言絕句

華燭引 楊慎

昔昔蒲博酒座欲闌碧玉舞罷羅裳單  
流雲影射荆王枕  
曉露光搖漢帝盤

望中條山 楊慎

征馬長鳴向北風  
峭關回首暮天東  
太行過盡中條出  
一路青山白雪中

寄遠曲

楊慎

濯錦江頭烟水綠  
相思萬里人如玉  
瑤琴別後不曾彈  
今朝才理將歸曲

江陵舟中贈田李二子

楊慎

落月寒沙夜未分  
玉簫金管醉中聞  
明朝回首沅江路  
愁聽青猿和白雲

流螢篇

楊慎

蕩子從軍向月支  
閨人對影滯秋期  
蠶書宛轉連環字  
鴈帛殷勤織錦詩

南征歌

唐順之

月明吹笛武陵川  
馬上行人望跼鳶  
莫怕交洲饒毒霧  
一冬飛雪異南天

塞下曲

唐順之

青袍白馬紫茸鞞  
不向沙場便酒樓  
夜來一賭青錢盡

尚有囊中血鬪髀

贈友

皇甫洵

隱處同鄉溪水濱  
鹿門蘿月夢中春  
興來呼酒何知客  
老去忘機不避人

東京歌二首

靳學顏

美人挾瑟上高堂  
四座酒行殊未央  
何愁若華翳白日  
賸有明珠照夜光

其二



濯龍門外車馬流誰人不道入青樓  
盧家少婦鳴箏坐  
逢着春光不解愁

送陸史之楚

王維禎

楚苑天南暖不遲  
隔年梅柳已多姿  
春來花絮紛紛起  
絕勝梁園雪裏時

遼城寄憶

俞憲

遙天一望盡高秋  
忽傍中原憶舊遊  
漢省春風吹視草  
庾家明月照登樓

遼城望月 俞憲

片月盈盈海外生  
遙應九塞一時明  
望京樓上頻迴首  
何處清光五鳳城

朝陵歌二首

張才

本朝陵墓傍燕關  
殿閣參差霄漢間  
王氣千年朝北極  
雄圖萬里抱西山

其二

松門回首七陵遙  
春殿金燈鎖寂寥  
地迥忽看星斗動

夜深疑有鬼神朝

衡水謝榛

城外河流白練長  
城中萬戶正秋光  
秋來偏作還家夢  
河水東流到故鄉

遊金燈寺謝榛

策杖穿林路幾重  
禪家清磬隔雲峯  
再來只恐無尋處  
好記懸厓一古松

郭壽卿園亭謝榛

郭家亭子夾松篁把酒臨池幽興長人在千山秋色裏  
不知雲氣滿衣裳

送王夢白歸江東

謝榛

吳帆歸去逐江雲白鶴橋西舊隱君門掩梧桐賦搖落  
秋風不是客邊聞

本公山房

謝榛

滿山秋色亂寒松天外遙傳日暮鐘爭怪簷前起雲霧  
誰知鉢底卧蛟龍

擣衣曲

謝榛

秦關昨夜一書歸，百戰猶隨劉武威。  
見說平安收涕淚，梧桐樹下搗寒衣。

尋葛徵君

謝榛

城西閒訪葛洪家，籬落秋餘白菊花。  
高卧自知無俗夢，數椽茅屋在烟霞。

水仙花

謝榛

月為精魄水為神，素質先含雪裏春。  
羅襪凌波斷行跡，

誰能喚起弄珠人

呈劉兵憲

許邦才

建節西南漢大夫飛揚萬里見雄圖  
因筇竹收諸郡更遣葡萄達上都

留別劉公

許邦才

秋風長缺幸生還明日孤臣入楚關  
莫道三年人萬里天涯消得幾重山

汴河守凍

許邦才

客館寒燈淚滿襟  
間關萬里欲歸心  
眼前一水冰霜苦  
又說三江瘴癘深

寄懷元美

許邦才

鴻鴈驚秋海上還  
片雲孤月薊門關  
柰何昨夜西牕夢  
不道千山與萬山

送別郭子坤赴選二首

許邦才

十年高枕戀柴關  
此夕青樽照客顏  
不是乞為勾漏令  
那能更出句容山

其二

老去風雲意氣孤，因君更與話江湖。  
定經燕市悲歌地，為問當年舊酒徒。

席上贈于鱗

許邦才

不見春風柳復青，故人江海坐漂零。  
即令賸有陶家酒，一月休教一日醒。

送段侍御

許邦才

白簡高秋覲九重，五花驄馬疾如龍。  
車輪就取都亭下。



霜氣還清長樂鐘

送高都護入賀

許邦才

將軍白馬挿彫弧自傍屬車誇射鳥陛下聖明三萬歲  
微臣直至執金吾

懷王元美

許邦才

吳門秋色杳佳期濁酒青山對爾詩也道風流非昔日  
猶堪抵掌見當時

與于鱗遊南山初宿天井寺

許邦才

千峯寒色照驕裘  
歲暮還堪載酒遊  
初宿南岩天井寺  
便聽一夜石泉流

夜投林泉觀

許邦才

落日相將萬疊山  
深林何處有柴關  
不因邂逅岩扉宿  
誰信天台隔世間

送謝中丞歸射洪二首

許邦才

安石風流戀主情  
江湖無日不蒼生  
還看北墅圍碁日  
未許人聞折屐聲

其二

巫峽江陵一水分猿聲兩岸夜成羣遙知月下孤臣淚  
才過三聲不可聞

九日于鱗招飲南山二首

許邦才

新詩忽自故人来欲採黃花薦酒杯城外青山城裏見  
東籬那忍獨徘徊

其二

歲序驚心水急流年來又白幾人頭那知綠酒青山外

惟有黃花似故秋

答寄于鱗

許邦才

結交當日擬荆高  
那管傍人笑我曹  
醉後悲歌燕市裏  
一時海內更無豪

得于鱗書却寄

許邦才

青春載酒上平臺  
忽報文園寄賦來  
賓客一時俱投簡  
人間難得是仙才

丁香花

許邦才

蘇小西陵踏月回香車白馬引郎來當年刺綰同心結  
此日春風為翦開

早春懷元美 李先芳

新正簫鼓日紛紛雪霽遙看玉筍雲借問江城春幾許  
梅花落盡不逢君

臨江節士歌 李先芳

臨江節士泣秋風夜來劍鳴深鞘中龜甲龍鱗各相似  
誰能辨我是雌雄

送于鱗還郡

王世貞

石門高峽沙丘臺五馬春停天地開無限北風吹不到  
萬家明月待君來

別于鱗諸君二首

王世貞

金河楊柳未堪齊馬首傳觴白日低俠客自來輕別甚  
醉乘飛雨薊門西

其二

塞雲吹盡出榆關不斷胡天指掌間應是爾曹高詠發

忽驚飛雪捲燕山

于鱗郡齋

王世貞

太行西北擁岩堯立馬寒雲豫讓橋俱道挂冠同指掌  
不知山色為誰驕

奉答于鱗

王世貞

鵲湖春雨暗青山流水桃花天地閒  
共道閉門無一事  
不知清淚落人間

寄謝茂秦

王世貞

亦知留趙魯先生片語能尊萬乘名何事平原無上客  
却教雙壁贈虞卿

寄伯承

王世貞

漢帝秋風在栢梁一時詞賦有輝光那知此日文園令  
猶有金莖露未嘗

寄答子與

王世貞

白雪誰傳和郢篇中原風色尚蒼然故人儻問行藏事  
自種要離墓畔田



送子相徐中行

妙高峯上試登臨  
月色潮聲盡古今  
詞客豈須愁病肺  
中冷泉水更清心

送于鱗之邢州三首

徐中行

趙地山河擁上京  
于今保障有長城  
停車棄子宮前問  
猶說當年國士名

其二

東平俠客有劉生  
寶劍千金舊署名  
忽道明朝脫相贈

夜深風雨匣中鳴

其三

十年西省尚書郎  
此日新携刺史章  
明月一樽開北海  
春風千騎下東方

送許趙州兼訊李邢州

徐中行

青春五馬下燕京  
自喜分符近李生  
雙壁千秋重入趙  
共看明月照連城

送元美二首

徐中行

高秋獨上白登臺西北浮雲晝不開忽見千山飛雪下  
驚傳漢使自天來

其二

醉携長劍倚高秋忽見黃河天外流莫更臨風歌出塞  
九邊寒色不禁愁

同明卿惟敬登太白樓

徐中行

醉携遷客上雲梯睥睨烟霄萬象低便欲乘風登日觀  
蒼茫海色使人迷

感舊 徐中行

自別燕臺白日徂華陽碣石總荒蕪獨留一片西山月  
猶照當年舊酒壚

懷于鱗 徐中行

黃河萬里接崑崙太華天開西極尊一自凌雲來賦客  
未論紫氣滿關門

征南鏡歌二首 徐中行

誓師親上越王臺東望扶桑海色開鉦鼓三江殷地起

艤腫萬里蹴天來

其二

橫海樓船大出師  
青山千里列旌旗  
會稽擬作燕然石  
震澤今為飲馬池

于鱗謝病歸濟南寄訊

徐中行

白雲湖上萬山青  
日日茅堂醉復醒  
不是揚雄耽寂寞  
千秋誰見太玄經

寄奉女弟者月符

徐中行

欽定四庫全書

古今詩集  
卷三十四

十三

景夷臺上白雲秋懸瓠城邊汝水流却憶諸君明月夜  
臨風清嘯滿南樓

送于鱗還郡

吳國倫

千門楊柳暗燕關不繫邢州五馬還寂寞孤城君更卧  
白雲愁殺太行山

秋夜懷子與

吳國倫

扁舟自去浮湘水倦客常懷卧茂陵秋湛漢宮金掌露  
月明滄海玉壺冰

九日同于鱗賦 吳國倫

秋深木落鴈南飛  
客裏風霜欲授衣  
燕市酒酣聊共賦  
龍山家在未能歸

寄懷于鱗 吳國倫

聞道齊中老伏生  
遠携妻子歷山耕  
漢家若有傳書詔  
使者何從問姓名

再寄于鱗 吳國倫

日日東山望  
長家下區  
龍馬司風  
區佳奇  
馬上  
家言  
九

一寄山中抱膝人

懷于鱗 吳國倫

渭水秦關天上迴，使君持節馭風雷。  
不妨萬里無書寄，紫氣常從西極來。

香爐峯 吳國倫

山烟細細五雲盤，散入春陰楚甸寒。  
我欲峯頭瞻北極，香爐不似殿中看。

石鏡峯 吳國倫



萬仞峯頭石鏡懸  
平臨日月倒垂天  
滄江夜色寒相照  
下有驪龍不敢眠

夢蝶卷

吳國倫

曲陽城頭花未開  
漆園夢裏蝶飛來  
年年蝶為春花老  
千古莊生夢不回

塞上歌送王少司馬赴薊鎮

宗臣

司馬頻年西破戎  
詔書又下九華宮  
親提萬騎如風雨  
一夜來屯紫塞東

過采石江懷李白三首

宗臣

楚水秋風楓樹高  
片帆孤月下江濤  
蛾眉亭下芙蓉色  
猶似當年宮錦袍

其二

采石磯頭坐白雲  
青楓滿地落紛紛  
夜深吹笛江亭上  
明月窺人恐是君

其三

青山千仞落寒潭  
采石丹楓一駐驂  
君跨長鯨去不返

獨留明月照江南

省中 高岱

蕭蕭竹徑暝烟浮  
散帙鳴琴事事幽  
若比瀟湘漁父隱  
門前只少木蘭舟

涼州曲 高岱

賀蘭烽火接居延  
白草黃雲北到天  
一片城頭青海月  
十年沙磧伴人眠

寄元美 魏裳

朱絃一絕少知音  
白雪難酬國士心  
腰下青萍君所贈  
至今風雨作龍吟

送劉使君之襄陽

張佳胤

太嶽天門紫氣垂  
松花片片曉風吹  
孤懷化作千峯月  
夜夜隨君君不知

題徐生夢雲卷二首

張佳胤

海西削出千芙蓉  
歲晚滄江有卧龍  
枕上風塵吹不到  
石門日日紫霞封

其二

夜半天雞啼紫煙瓊裾長共白雲眠高松萬壑搖明月  
無數寒濤落枕邊

送胡生南歸

陳宗虞

揚子江風落暮潮瓜州夜月起蘭橈西湖歸去三千里  
家在芙蓉第一橋

咏潘邯鄲韓妓

張簡

惟願甘單陌上歌千金不惜財朝如滄海安自是屈濟客

欽定四庫全書

古今詩例  
卷三十四

十七

此日叢臺興轉多

秋樹下送張雲少憲使

潘子震

老樹臨風葉半黃一樽岐路又斜陽別君何必折楊柳  
只此秋聲已斷腸

春日謾興

汪時元

春風為我報花開我為花開載酒來莫道少年花裏醉  
白頭曾是醉花回

奉送觀察李徐二師方舟北上二首

汪時元

兩岸垂楊綰別愁  
長風曉發過揚州  
只看雲裏雙帆影  
不盡黃河天漢流

其二

廣陵濤起白雲寒  
北望燕臺路渺漫  
李郭脩然明月下  
滿船秋色到長安

明皇小車圖

釋守仁

宮門日出乳鴉啼  
仙漏沈沈樹影低  
朝罷千官無一事

車聲又過壽陽。匪

欽定四庫全書

古今詩刪  
卷三十四

六

明六言附

瓊姬墓 高啓

夢別芙蓉殿頭斷，釵零落誰收。  
土昏青鏡忘曉月，冷珠襦恨秋麋。  
鹿昔來廢院，牛羊今上荒丘。  
香魂若怨亡國，莫與西施共遊。

楊氏山庄 高啓

斜陽流水幾里啼鳥空林，  
一家客去詩題柿葉僧來供。  
煮藤花



雜興 韓奕

一卷西風落葉半牕斜  
日殘書年老怕逢人事天寒不  
出吾廬

題小景

王恭

白鷗門外孤艇黃葉山中一瓢惆悵青雲舊侶相思不  
到漁樵

題水墨小景二圖

徐從禮

小艇水雲澗口孤琴蘿月山陰郢曲向來誰和林泉亦

有知音

其二

出岫雲非有意忘機鳥亦知歸莫話城中舊事與君同  
是荷衣

送鄭二之茅山

張楷

芳草隄邊渡水百花原上逢春在世誰非過客入山方  
是間人

田家  
孫一元

手疏偶然辭主腰  
鑷率爾為農今日  
田園自許平時車  
馬相從

送客楊慎

合樽且醉花間分  
襟易慘離顏朝下  
春風紫陌天涯落  
日青山美人明月  
相望游子浮雲獨  
還愁見河橋柳色  
勞歌一曲陽關

濟南道中

王世貞

脩脩栝栢風縈藹  
藹桑榆日斜莫怪  
牛羊不下中峯自


有人家

于鱗郡齋

王世貞

使君盡酒不醉郡閣先秋自寒乾坤乍容車馬湖海漸

入衣冠



古今詩刪卷三十四